

COMUNA DI SASSARI

Diribrazioni di lu Cunsigliu Comunari

OGGETTU: APPRUBAZIONI INTEGRAZIONI A L'ARTHICURU N.7 DI LU REGURAMENTU SOBBRA LI FUNZIONI DI LA MUNICIPALIDAI DI LA NURRA, L'ATTRIBUZIONI E LU FUNZIONAMENTU DI L'ORGHANI SOI, SIGUNDU LA L.R. SARDHIGNA N. 1/2023-

Sessioni isthraord. urgenti cunvocationi primma seduta pubbbrica

L'annu duamiriaventitré la dí ondizi di lu mesi di maggiu

in Sassari e i' la sara di l'adunanzi di lu Cunsigliu dabboi di l'avvisi, mandaddi sigundu lu reguramentu, s'è riuniddu lu Cunsigliu di chistha Comuna e so intervenuddi li Signori:

	Pris.	Ass.		Pris.	Ass.		Pris.	Ass.
Alivesi Manuel	P	-	Di Guardo Grazia Rita	P	-	Panu Antonio	P	-
Andria Mariolino	-	A	Fundoni Carla	P	-	Pinna Fabio	P	-
Bisail Marco	P	-	Gavini Giambattista	P	-	Posadinu Teresa G.	P	-
Brianda Mariano G.A.	P	-	Ginesu Francesco	P	-	Profili Giancarlo	P	-
Campus GianVittorio (Sindaggu)	P	-	Luisi Christian	P	-	Rizzu Massimo	-	A
Carta Pasquale Antonio	P	-	Manca Marco	P	-	Serra Gian Carlo	-	A
Deiana Daniele	P	-	Masala Giuseppe	P	-	Sias Federico	P	-
Deiana Giuseppe	P	-	Mascia Giuseppe	P	-	Sini Enrico	P	-
De Martis Sofia	-	A	Masia Giovanni A. A.	P	-	Toschi Pilo Sebastiano	P	-
Demurtas Pietro	-	A	Murru Maurilio	P	-	Ventura Giommaria	P	-
Desole Andrea	P	-	Orunesu Virginia Lucia	P	-	Zallu Patrizia	P	-
Dettori Marco	P	-	Palopoli Giuseppe	P	-			

So presenti tutti canti l'assessori

PRESIDENTI Dott. Maurilio Murru

cu' la parthizzipazioni di lu

SEGRETERIU GENERARI Dott. Antonino Puledda

Sighendi la seduta,

LU CUNSIGLIU COMUNARI

VISTHA la prupostha n.2745 di lu 15 di mazzu di lu 2023 in oggettu, illusthradda da lu Presidenti di lu Cunsigliu comunari;

PRIMISSU chi lu 23 di fribaggiu di lu 2023, dabboi di la pubbriggazioni i' lu Bullettinu Uffiziali di la Regioni Autonoma di Sardhigna, è intradda in vigori la leggi di isthabiriddai 2023 di la Regioni Sardhigna (L.R. n.1 di lu 2023 di lu 1° di fribaggiu 2023);

TENTU CONTU di lu chi è isthabiriddu da l'arthicuru 4 di la leggi in prefazioni:

- ♦ la modiffiga di lu tantu di li gettoni di prisenzia di li Cunsiglieri comunari e di l'indenniddai e gettoni di prisenzia di li Presidenti e Cunsiglieri di Municipariddai, primma disciprinaddi da lu cumbinaddu dipposthu di l'arthicuru 82, comma 2 di lu decretu legislativu n.267/2000 (T.U.E.E.L.L.) da lu D.M n. 119/2000 e da l'arthicuru 1, comma 54, di la leggi n.266/2005 (finanziaria 2006) e, pa' lu chi riguardha la circoscrizioni (abà Municipariddai), da l'arthicuru 2, comma 1 di la L.R. Sardhigna 18 di mazzu di lu 2011, n. 10 e li modiffighi e integrazioni sighenti (mm. e ii. ss.);
- ♦ lu pagamentu di lu gettoni di prisenzia, cussì cumenti quantificaddu da l'articuru 4 comma 1, lettara e) tocca "*pa' parthizzipazioni effettiba a dugna seduta*";
- ♦ si vi so più seduti di lu Cunsigliu di la Municipariddai di la Nurra i' la matessi dí, l'indenniddai di prisenzia debi d'assé unica;

AMMINTADDU ancora l'arthicuru 82 di lu D. Lgs funtumaddu. n. 267/2000 e mm. e ii ss. chi, a lu comma 11, dizi testhuari "*lu pagamentu di li gettoni di prisenzia è in dugna modu subordhinaddu a la parthizzipazioni effettiba di lu cunsiglieri a cunsigli e cummissioni; lu reguramentu dipponi teimini e modariddai*";

VARUTADDA dunca l'opportunidai di definí lu cunzettu di "parthizzipazioni effettiba" pa' pagà lu gettoni di prisenzia funtumaddu cun un'integrazioni idonea di l'arthicuru 7 di lu Reguramentu in vigori sobbra li funzioni di la Municipariddai di la Nurra, approbaddu cun diribarazioni n. 70 di lu 16.12.2021, cu' l'introduzioni di chisthi commi:

"3. A li Cunsiglieri di la Municipariddai di la Nurra in carrigga l'ippetta, pa' la parthizzipazioni effettiba a dugna seduta di Cunsigliu, lu pagamentu di un gettoni di prisenzia, isthabiriddu sigundu li dipposizioni di leggi in vigori.

4. "Parthizzipazioni effettiba" vo dí la peimanenzia in Aura pa' a lu mancu middai di la seduta di lu Cunsigliu attesthadda fimmendi un'erencu appositu undí abarani a puní l'ora d'ischumenzu e di iscidda da l'Aura. L'erencu l'abarani a rimuní i' l'uffizi di la segreteria di lu Cunsigliu e l'abarani a deposità a l'atti di li seduti rippetibi. V'è la pussibiriddai di attuà divessi modariddai pa' li seduti di lu Cunsigliu finza cu' l'impreu di isthumenti digitali.

5. Tuttu chisthu francu l'obbrighi di asthensioni pribisthi da la leggi.

6. Si la seduta è dichiaradda desertha, lu gettoni non vo pagaddu";

ACHIRIDDI, sobbra la prupostha di diribarazioni, sigundu l'arthicuru 49 comma 1 di lu decretu legislativu n.267/2000 e mm. e ii. ss., lu pareri a favoru impressu da lu reponsabiri di lu seiviziu sobbra la regurariddai tennigga e l'attesthazioni pa' la non rirebanzia cuntabiri a cura di lu reponsabiri di ragioneria;

RIFERIDDU chi, pa' la matessi prupostha, a più di lu coordinamentu testhuari, è isthaddu cumprubaddu, cun esitu favorevoli, a lu matessi tempu lu controllu di regurariddai amministratiba a cura di lu Segretariu generari;

POSTHU MENTI:

- ♦ a lu pareri a favoru impressu da lu Cunsigliu di la Municipariddai di la Nurra la dí 23.3.2023;
- ♦ a l'esitu di la seduta di la 1ª Cummissioni cunsiliari permanenti reratibu a la dí 28 di mazzu di lu 2023 e a lu pareri impressu da la matessi cummissioni i' la seduta impari cu' la 7ª Cummissioni cunsiliari la dí 26 di abbriri di lu 2023;

INTESA l'illusthrazioni a cura di lu Presidenti di lu Cunsigliu comunari i' la seduta di lu 27.4.2023;

RICUNNISCIDDA la so' cumpetenzia sigundu li dipposizioni noimatibi, isthatutari e reguramentari in vigori;

ASSIBISTHADDA l'opporhuniddai, d'accordhu cu' la prupostha abanzadda da l'uffizi, di pruzzidí a l'approbazioni di chistha diribarazioni pa' li finariddai in oggettu;

CUN VOTI ippessi pa' azzadda di manu e cumprubaddi cu' l'assisthenzia di l'ischrutadori, li cunsiglieri Di Guardo, Fundoni e Luisi, prisenti 30, votanti e a fabori 19, asthinuddi 9, li cunsiglieri Fundoni, Masala, Pinna, Mascia, Panu, Dettori, Brianda, Manca e Palopoli; li cunsiglieri Ginesu e Daniele Deiana non votani,

DIRIBAREGGIA

1. di fà soi li primessi narratibi e mutibazionari a chisthu dippositibu, cunsidarendiri traiposthi inogghi di lu tuttu;
2. di approbà, pa' li rasgioni i' lu preamburu, li modifigghi a l'articuru 7 di lu Reguramentu in vigori sobbra li funzioni di la Municipaliddai, cussí cumenti funtumaddi i' l'allegaddu A) (quadru sinotticu) chi fazi parthi integranti e susthanziari di chisthu attu, cu' l'introduzioni di chisthi commi:
"3. A li Cunsiglieri di la Municipaliddai di la Nurra in carrigga ippetta, pa' la parthizzipazioni effetiba a dugna seduta di lu Cunsigliu, lu pagamentu di un gettoni di prisenzia, isthabiriddu sigundu li dipposizioni di leggi in vigori.
4. "Parthizzipazioni effetiba" vo dí la peimanenzia in Aura pa' a lu mancu la middai di la duradda di la seduta di lu Cunsigliu attesthadda cu' la fimma postha in erencu appositu undí abarani a indicà l'ora di ischumenzu e l'ora di iscidda da l'Aura. L'erencu l'abarani a rimuní i' l'uffizi di la segreteria di lu Cunsigliu e l'abarani a deposità a l'atti di li seduti rippetibi. V'è la pussibiriddai di attuà dibessi modariddai pa' li seduti di lu Cunsigliu finza cu' l'impreu di isthumenti digitali.
5. Tuttu chisthu francu l'obbrighi di asthensioni pribisthi da la leggi.
6. Si la seduta è dichiaradda desertha, lu gettoni non vo pagaddu";
3. di prizzisà chi lu testhu nobu di lu Reguramentu in paraura, cumenti risulthanti da l'inserimentu di l'integrazioni funtumaddi i' lu puntu di primma, lu 2), è chiddu posthu i' l'alligaddu B) cumenti parthi integranti e susthanziari di chistha diribarazioni;
4. di dippuní chi lu testhu di lu Reguramentu cumenti sobbra integraddu sia pubbriggaddu sigundu la leggi.
5. di dà attu chi lu Reguramentu abà approbaddu abarà a intrà in vigori, sigundu l'arthicuru 1, comma 5 di l'Isthatuddu comunari, passaddi 15 dí da la pubbriggazioni di la diribarazioni approbatiba, dibintadda esecutiva sigundu la leggi.

Tandu,

LU CUNSIGLIU COMUNARI

CUN VOTI ippressi pa' azzadda di manu e cumprubaddi cu' l'assisthenzia di l'ischrutadori funtumaddi sobbra, priseni 30, votanti e a fabori 19, asthinuddi 9, li cunsiglieri Fundoni, Masala, Pinna, Mascia, Panu, Dettori, Brianda, Manca e Palopoli; li cunsiglieri Ginesu e Daniele Deiana non votani,

DIRIBAREGGIA

- ♦ di dichiarà chistha diribarazioni subbiddu eseguibiri sigundu l'arthicuru 134, comma 4, di lu D. Lgs. n. 267/2000 e mm. e .ii. ss., ricunniscidda l'urgenza di assicuranni dugna effettu.

Liggiddu, approbaddu e sottischrittu.

LU PRESIDENTI

LU SEGRETARIU GENERARI

Pubbriggadda i' l'albo di la Comuna da lua lu.....

chena opposizioni.

Sassari,.....

LU SEGRETARIU GENERARI

Liggiddu e approbaddu in seduta di lu.....

cun diribarazioni n.

La chisthioni trattadda è postha in chistu veibari

LU PRESIDENTI F/DDU **MURRU**

LU SEGRETARIU GENERARI F/DDU **PULEDDA**

Copia cunfoimi a l'originari pa' usu amministhratibu.

LU SEGRETARIU GENERARI

ZERTHIFIGGADDU DI PUBBRIGGAZIONI

Lu Segretariu generari sottischrittu zerthifiggheggia chi chistha diribarazioni s'agatta in via di pubbriggazioni i' l'albo di la Comuna pa' 15 dí una infattu di l'althra da lu.....a lu.....

Sassari,

LU SEGRETARIU GENERARI